



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會編

上海古籍出版社

清代詩文集彙編 四八三

青樞山房詩鈔十一卷附刻一卷 馬士龍撰

學福齋詩鈔九卷 張之杰撰

嚶求集四卷 繆 艮撰

分類蓮仙尺牘六卷 繆 艮撰

日鋤齋詩集八卷附缶音合洵皜一卷 張 琛撰

小蘆中集六卷 王良佐撰

一

一一一

二一九

三〇九

四八一

六七五

青樞山房詩鈔

光緒元年乙亥冬
十二月刊刻竣

世丈銘軒馬先生著有青樞山房詩未及編次先生既歸道山伯子蓀田中翰前卒仲子笙蘭孝廉與諸弟姪藏弄唯謹寸牋片楮無不收拾兵燹後幸無恙近將付梓孝廉悉出遺稿俾勸預校讐之役於是得盡讀先生之詩先生早登鄉書捷南宮官粵東二十年歷任繁劇由縣令刺史升郡司馬凡愛民養士備荒弭盜諸善政多散見於篇什其他山川遊覽僚友贈答之作亦復各得風人宗旨彼謂一行作吏此事遂廢豈知經濟文章長才兼擅固大有人在執掌風塵者不能有此高致嘯

青樞山房詩鈔序

傲泉石者不能宏此遠模而集中功過官中檢點煩之句尤爲勸所服膺讀至此竊爲肅然起敬掩卷三歎曰今而知先生之服官實心實政一言足以蔽之矣夫近世號能吏者張皇粉飾非不炫耀一時而心術之微不可窺測先生之言如此蓋於國家之休戚民生之利病其所措施必思對天地而質鬼神安肯因循苟且沽虛名而固寵祿乎究之造福於斯民者無不造福於子孫自先生起家之後伯仲與子楨觀光兩第科第聯翩棣華接鄂足稱一門盛事循良之績流澤孔長孰謂天道

之難知哉先生退休林下十有餘年香山洛社之遊勸得以後生追隨杖履今讀先生詩手澤猶新流風未渺謹撮舉其居官行政所以課心者如此而澤及後人亦於是徵之世之從仕者可以知所勸矣光緒元年乙亥孟春月世愚姪陳勛謹序

青樞山房詩鈔序

二

青樞山房詩稿序

唐姚少監以武功縣詩得名其後對山康氏爲武功作志廣登姚詩以表其土風物產之美蓋山川能說升高能賦固賢大夫所當有事惟其吟咏擅勝乃益爲都邑增色矣年丈銘軒馬先生以嘉慶戊午科舉於鄉是歲先大夫亦以優行貢道光戊戌科先生長嗣蓀田中翰又與^華同捷南宮締交兩世極欲一叩其家學乃未幾中翰下世先生解組歸^華又未得時撰几杖第以所習聞於先大夫者證之謂先生綺歲卽盛

青樞山房詩鈔序

一

著聲譽通籍後課徒十餘年其弟子類皆有英聲茂實竊謂先生著作必可爲後進取法而惜乎未之能寓目也歲癸丑先生返道山越二十年仲嗣序廢孝廉乃以青樞山房詩稿郵寄京師屬爲序言按是稿爲先生手定其於少年組織摹擬之作十不存二三惟自筮仕嶺海干役桂林所作甚富而所存遂益多豈非其勤勞職事父母斯民實有忤戚繫乎性情者耶抑豈非先生之意甚無取乎風雲月露之辭特願以馳驅勞瘁治理繁劇者昭示子孫爲治譜耶至於賦物繪景每

足爲瞻覽錄虞衡志之續異日兩粵增修通志述循吏之傳核政化之實必當求遺書於其家則是稿尤不得自私者也謹書數語歸之孝廉其謀梓而行之

光祿大夫 經筵講官吏部右侍郎兼署兵部右侍郎上書房行走年家子童華頓首拜序

青樞山房詩鈔序

一一

童

序

詩莫盛於唐唐人元道州韋蘇州諸賢皆以親民之官號爲詩人蓋性情之故有與政治之原相通者矣吾邑先達近得一人一爲源珊陳先生一爲 先生陳先生爲先君子師嘗官陝西稱循吏其詩澹雅溫厚粹然德言先君子一生步趨有在詩外者而 先生亦幸陪杖履得聞作詩義法 先生乃先君子晚年友嘗官廣東稱能吏其詩直抒胸臆俊偉光明宦成後退休里門天機灑灑春秋佳日每與先君子坐石臨流追逐雲月優游物

青樞山房詩鈔序

一

外望之者疑爲神仙中人而 先生以久宦都中不獲親承謦欬迨壬戌年乞假歸省而 先生已歸道山矣今年夏 先生遺集刻將竣工嗣君笙蘭同年書來索序得讀全詩涵泳久之雖未及見 先生而 先生之聲音笑貌恍於楮墨間彷彿遇之也爰書數語於簡端既不勝先世朋舊之感而以 先生僕僕於輟紅塵土垂三十年不克遽賦遂初尋童時釣遊山水以追鄉先達之遺風益神馳夢想於鹿亭樊榭間而不能釋然於懷也已

同治十二年六月

年愚姪章鑒謹序并書

甲戌之夏子楨明府以所著樞亭文鈔見示余爲之序而歸之竊謂子楨之文如此其師承指授必有自來今復捧一編示余曰此青樞山房詩鈔者乃吾先大夫銘軒公遺稿也竝手述其先狀屬序於余余受而讀之始恍然於子楨之文之淵源固有本也夫文與詩殊塗而同歸要皆以率真爲主文不率真不能闡聖賢之義蘊詩不率真無以見性情之中和 先生之詩縱心而言觸境而發隨物而應付不求工而自工其真意之流露有存乎詩之先得乎詩之外者此豈塵唐仿宋者所能

青樞山房詩鈔序

一

王

道其隻字哉 先生以名進士出宰粵東歷官至司馬所至有政聲其愛民敬事之隱時於詩乎見之集中如強將弦誦易鞭呵欲擬爰書防判誤等句不勝枚舉洵藹然仁者之言也比懸車珂里徜徉於四明山水閒詩境稍變亦時有江湖魏闕之思焉吟詠之暇以所學課諸子故皆先後掇巍科今子楨服官有年矣樸實誠懇渾肖家風前權石埭青陽兩邑輿論賢之此後之造福于皖江而大顯揚者正未有艾謂非詩人之有後而先生遺澤之厚且長哉

光緒元年夏五月中澣鄉愚姪王思沂拜序于皖垣安廬道署之思補齋

青樞山房詩鈔序

二

王

鄭志傳

馬士龍字階陸號銘軒父德大監生孝事繼母撫兄子如子性尤寬厚族子某素悍謂德大舊牆侵其地率眾毀之德大第命修築至五築五毀終弗與校里人皆稱之士龍中嘉慶十四年進士授廣東廣甯知縣地多奸宄士龍緝捕嚴密獲巨盜置諸法旋丁內艱服闋入都以廣甯獲盜功擢知州仍發廣東署嘉應州調從化縣道光九年補德慶州知州州城久圯捐俸爲倡修復之勸諭富民買補倉穀增益書院膏火時粵西有京控劫

青樞山房詩鈔志傳

一

掠巨案制府稔士龍才令與同知易中孚前往緝訪歷桂林海梧各郡密察之凡閱五月獲巨盜七十餘人十三年署新會十六年署澳門同知數月卽調署東莞重囚以深夜挾刃登牆謀劫獄獄吏奔告士龍卽肅衣冠入詰之曰爾等不盡入於死誰誤爾等就死地者今爲爾治之囚感士龍誠皆伏地乞命而止旋署佛山十八年攝羅定州州屬西甯縣有謀殺重獄原讞以陳姓爲起意士龍閱其牘疑之齋沐禱於神平反其獄大吏以礙於前問官難之士龍申覆再三并請無錄平反狀爲

前官地陳竟得釋二十年引疾歸里卒年七十五子廷槐字聲南號蓀田生有至性甫十歲父病疴侍湯藥不少懈年十五大父卒父方謁選在京廷槐隨母視含殮哀毀過成人道光八年舉於鄉以大挑知縣分發河南尋中十八年進士改官內閣中書未幾卒

青樞山房詩鈔志傳

二

青樵山房詩鈔總目

卷一

古今體詩八十一首

卷二

古今體詩六十九首

卷三

古今體詩六十五首

卷四

古今體詩六十四首

卷五

古今體詩七十一首

卷六

古今體詩七十九首

卷七

古今體詩七十首

卷八

古今體詩九十一首

青樵山房詩鈔總目

卷九

古今體詩七十五首

卷十

古今體詩六十五首

卷十一

古今體詩七十九首

附刻壽詩一卷

青樵山房詩鈔卷一

男辰庚子補南
恩訓與光緒

鄞 馬士龍 階陸

自題梧齋琴韻圖小影

小築茅齋八九椽閒居無事日揮絃放懷欲作孫登嘯

顧影渾忘祖遜鞭畱客談心傾竹葉課兒學咏擘花箋

坐來一曲吟春曉余新學春曉吟曲併入松風與石泉

吟情怎比宦情真揮手聊傳畫裏神漫說閉門無俗慮

卻思同調有高人地容小住宜銷夏花憶長安莫挽春

惆悵蓬萊難得到故應梧下寄閒身

青樵山房詩鈔卷一

甲戌孟夏遊天童寺登玲瓏巖

擬訪天童已十年此身只被俗緣牽而今始踐尋山約

來聽松風漱石泉

太白山中別有天仙巖高踞翠微巔振衣快躡丹梯上

俯瞰桑村萬戶煙

遊寺後集同人小酌

暫借山僧一榻眠茶香筍茁麥秋天清齋不是吾儒事

大嚼何妨雜小鮮

題湯雪隈桐陰清課圖

讀書兼讀律盤鬱此胸襟幕府縱橫畧名山著述心高
情寄孤鶴真趣悟瑤琴不覺碧天暮蕭蕭秋樹陰

題采桑女畫卷

蓬鬆雲鬢嬾梳妝看盡春蠶一月忙卻笑世閒遊冶女
陌頭只解怨垂楊

題周友耕讀圖

碧梧庭院水邊樓鎮日閒居得自由種稻頻占三月雨
課兒時伴一燈秋不將塵境縈懷抱儘有湖光助唱酬
君家月湖料識關心無別事曉雞聽罷只春鳩

青櫺山房詩鈔卷一

一一

題林冠瀛瓶菊供佛圖

風流高隱仿逋仙小貯瓶花奉佛虔畱得殘枝標晚節
拈來微笑悟眞詮香分鷺額聞樨後秋到陶家送酒天
試坐蒲團參色相清華何減鉢中蓮

題橋李陸樹蘭課梅味雪圖

時寓武林

愛梅復愛雪雋絕此吟身鋤月香畱影烹茶淡到春從
來高隱趣難語熟腸人我亦耽清況何當步履親

題蒲城劉瑞圃上舍南礪訪僧圖

鐘聲清徹幾重山引得扶筇客叩關一笑相看逢老衲

忘言定過虎溪灣

無數松陰與竹陰僧寮嵐翠冷沾襟到來暫假蒲團坐
想見風泉清道心

我亦談禪慕夙因偏教重踏輦紅塵他年若許陪遊展
蓮社招尋有故人

辛巳廣東秋闈分校卽事次從化黃平黼明府韻
嶺表人文巨海涵校文試向案頭參憑誰才藻誇舒錦
可有淵源羨出藍曉薰鑪香尋妙諦夜呼樽酒博高談
風簷十載親嘗境珍重珊瑚網裏探

青櫺山房詩鈔卷一

三

煎茶好共品頭綱試院依然似講堂座對冰壺秋有影
珠求濁水夜生光相期文體追韓柳底事危言襲老莊
採得榲楠

當代器敢私藥籠詡收藏

題姬杏農明府粵海歸帆圖

杏農山西人

飄然歸去興何窮循吏襟懷處士風五載官聲傳嶺外
十年鄉夢望雲中伴琴宦豪惟餘鶴印雪遊蹤莫認鴻
一幅蒲帆秋色裏飽看霜葉老江楓

辛巳粵闈和徐二秋厓畫蘭原韻二絕

詠蘭有詩祖才與屈宋伍借花寫素心一曲幽琴譜
羨君花縣栽秋芳分異種國香人媚之珍重護書籠

輓沈午亭元戎

雲臺畫裏仰風流早歲登壇擅壯猷鈴閣名高羊叔子
籌帷績邁漢留侯書陳戀闕臣忠篤君退官日曾上表
昌陵請調

已邀恩允祿及還山

帝眷優怎奈歸來旋駕鶴飄零大樹感深秋

傷心最是望雲人捧檄滇南萬里身嶺海乍經承色笑

長君之官洱海會迂道赴粵省親天涯無奈絕音塵菊花枝老寒香晚

青橋山房詩鈔卷一

四

棠樹陰濃畫錦春會看循良褒卓魯將門勳業又增新

朱北山刺史屬題雨籬洗竹圖

兀坐不知暑秋聲先到詩俗塵無地著清境此君宜掬

水寒侵袖煎茶綠上旗戛成鳴玉韻逸響落殘棋

秋燈無事因小韭染鬚聯句相戲

霜鬢初添易老身銘軒宦途憔悴等勞薪非緣媚妾工

修貌小韭也爲逢人欲效顰彼白偏教緇待涅銘軒還

丹絕勝永流銀先生莫漫嗤烏有小韭對鏡居然色相

眞銘軒

甲申仲秋以知州仍發廣東暫假歸里擬挈眷之

官舟次吳門得韻句十二首

浙水燕山路阻修蕭條古驛過中秋言旋不爲妻孥計
重整行裝嶺外遊

依然下吏逐風塵漫羨頭銜署簇新只爲空疏虞寡效

恥言官職是親民

綏江半載寄官居簿領追思事事疏自問補牢今有日

求芻受牧果何如

文翁化俗端資學渤海勤民只在農要識古人眞實意

青橋山房詩鈔卷一

五

居官底事力彌縫

羊城往日溯瞻韓似我雞羣拭目看更有名臣公薦剡

玉衡冰鑑重臺端

記從需次滯江濱期許心殷有幾人廿載感恩難報答

囊金雖盡不言貧

往時喜有同心友偕同年董小韭入京夜雨篷窗忒劇談一自京

華各分手懷人地北隔天南小韭據發直隸

淒絕天涯遊子吟虛懷祿養歎而今令名素有貽親慕

爲勵冰壺一片心

故鄉風景菊花天歸思翻將別思牽一事難忘惟課子
我家耕穫仗書田

大兒兩絆鄉關住季子行吟客路隨穉孫乳養難離鄉
家讀書惟挈兩小子一片婆心區兩樣全家無奈半分離

自傷親串又驚秋悵念雛兒觸旅愁孤負平生知己托
不曾一事代綢繆妹婿江楚雲曾有卜地之屬舊秋逝世一子纔六歲

路指蠻雲瘴雨閒西風計日度梅關故鄉知有招尋侶
容我他年飽看山

懷董晶山孝廉自京旋里

青櫺山房詩鈔卷一

六

家傳對策擅才名爭奈蓬山隔此行燕嶺風塵嫌旅況

鑑湖花鳥恣吟情鵬圖暫養三秋翮驥足終騰萬里程
料識還鄉無限好娛親課子在書聲

一從判袂兩經春勞擾天南俗吏身恰好息肩當二月
余於仲春望日那堪奔命又連旬時奉札畱駐梅州歷
御梅州篆務

田土案三閱月有餘琴樽寂寞鄉園侶歲月蹉跎嶺外
人差喜大兒有文藻煩君勸學不嫌煩長子槐為孝廉
時寄問今科童

試備卷尙有可觀

和澳門司馬顧三衡沁遠承山齋卽事

引得詩人野趣濃消炎暫住碧雲峯曉窗樹影漫山幪
午枕泉聲半夜鐘豪興未忘三尺劍幽情聊策一枝筇
虎頭畫本添無數寫到林樾第幾重

寄示槐兒五月廿八日

宦遊今兩載門戶仗吾兒姊妹扶持可親朋贈答宜愛
身方是孝安命不須疑撫得雛孫好栽培栖鳳枝

毋念他鄉遠平安嶺外人課經惟兩弟加飯有雙親落
落鴻泥迹勞勞馬足塵梅州畱滯久移棹計秋新時奉
理州民京
按二案

青櫺山房詩鈔卷一

七

題獨弈圖

紅簇屏花半桁涼生竹月一丸與我周旋最好於人勝
負何干

和同年李繡子吉士見贈原韻

謫仙才望重梅州學有淵源小九流古籍爬梳秦與漢
名區遊歷魯還鄒未容俗吏塵蹤瀾自是文人慧業修
我愛清談時過訪筆彗洗耳愜心謀

投綬歸來嶺外州新詩滿篋孟韓流士多獻粟爭師賈
客有談天早卻鄒忙註蟲魚敦夙好吉士方
註詩經

是真修君家架上藏書富好供名山著述謀

梅州旅懷

幾番梧雨滴愁聲自剔梅州旅館繁客話田園書乍寄
時送周鐵 秋生枕簟夢初成孤懷欲語思揮塵壯志無
愁旋里 緣學請纓 案犯未獲 試看祖生鞭早著繫匏猶自滯山
城

仲春卸梅州篆隨同楊桂山觀察勘丈巴章田畝

兼緝匪犯卽和紀事詩韻

雲樹蔥蘢戟衛森幃帷暫駐聽鳴禽爲看原隰龍鱗比

青樞山房詩鈔卷一

入

不覺山蹊鳥道深蠢爾慣施侵奪計知公雅有鞠謀心
任他走險急何擇免狡狐疑總就擒

恢恢三面網開湯不事艾夷計久長追復魯田如反手
平量周尺費摻腸半山帷幄藏春雨隔嶺旌旗畫夕陽
要使此鄉消雀鼠故分壘麥與疇桑

徧宣令甲示遵循羽檄爭飛陌上塵話到枌榆無吠犬
招來臺笠有農人星輶坐擁雲千畝露冕行吟月一輪
修好相期同井睦幾番溫語煖如春

澗曲山凹別有村幽岐古俗豈難敦灌園叟已忘機械

呼酒人還戛盎盎白屋新炊三鑿米綠醴香送一蹶豚
息爭力穡從今始官吏催租意不存

濫竽愧我認難消憑仗霜威伏老雕千帳陰中松粒粒
一犁煙外柳條條關心午夜鳴雞起揮手春田試馬驕
會看獄成民讓畔戰功那說霍票姚

原作

楊振麟

玉帳凝寒畫戟森平林何事效從禽去先害馬誅鋤
早恐有哀鴻疾痛深狡兔自營三窟計老雕空負九
秋心書生慚愧疏籌策漫說征蠻七縱擒

青樞山房詩鈔卷一

九

重山複嶺固金湯每每原田世業長豪奪經年歸虎
穴官呼無路繞羊腸連城久恐沈秦塞戰舌終能反
汝陽苦爲分明得尺寸莫教依舊話滄桑

捧檄東瀛課撫循頻年于役逐風塵無心流水閒於
我對面青山冷笑人郭伋巡方能矯制張綱按部早
埋輪賣刀買犢知何日麥浪秧鉞徧地春

聞道朱陳舊有村此鄉期與古風敦未求民瘼難安
席要雪沈冤到覆盆父老合歡將酒醴親朋相見饋

雞豚

主佃相仇久矣經再三勸諭始見修好因苦心
賞勞酒食翌日田主呈請情讓六年舊租

懲勸脣焦日且喜諸君舌尚存謂汪方川金簡谷馬銘軒三刺史徐同渠

三軍壯氣瘴全消月滿霜弧試射雕日照大旗風獵獵

獵雲垂細雨柳條條空潭夜碧毒龍隱野草春深天

馬驕無犯秋毫知紀律元戎今見霍票姚謂經薛齋游戎

秋初勘丈緝匪事竣將赴會垣畱別梅州士民四

律

半年飽繫此山城時為茅檐話雨晴非種先鋤稂莠去

抵任後廉知棍徒宋球三無心也息觸蠻爭訟數月中

審結盧繼志楊以誠邱志旺周錫爵溫先登陳科柏秋

葉汝楫等積年控案十餘件惟賴虛心察斷而已

風巷裏誰家讀春漲隄邊有婦耕州俗多係每念程江

行路客敢疏防禦到寒更州境河面未絕匪徒客舟苦

亞現謝有四鄧亞六林豆腐二

等置於法餘匪斂跡頗得安靖

雅與儒林志意聯論文未忘舊寒甌每參講院談經席

嘗秉公暇與培鳳書院蕭山長許論課藝親為批點好做官齋醉月筵小試觀風

搜碩彥劉生湘蘭馬生文霖蕭生德源葉生椿元及吳

席清詞霏雪望高賢栽花種樹需時日聊為諸生課硯

田

懷古曾登鐵漢樓此邦舊俗仿名流民勤負擔摩肩侶

士盡文章柱腹儔卻笑紛爭滋訟牒偶乘逸興對詩籌

瓜期早趁春風至不信飛鴻迹尚畱

奉檄蠻村去復還復與忙趁夕陽山因巴章事往還城鄉累月畫來

農畝秧纔插勸到鄉鄰棘盡刪即鹿人誇先見妙楊桂

山先生重懸賞格謂線緝此犯不難操券今果挈獲停驂自笑此身閒片帆涼掛

秋江路且酌離樽一解顏

畱別張仁甫遊戎

半年托跡古梅州冠蓋追陪歲序周卸篆後因公畱駐州城計自去秋抵

梅已閱一載能說詩書逢御將曾參帷幄重畱侯今春君奉憲帶兵勘

丈巴章田畝共事累月雄心五夜摩崖匣豪飲連番數酒籌御喜

盍簪投契好不堪話別已驚秋

畱別蕭生春使上舍名德源時延課兩兒

詞場早歲擅雕龍藉甚家聲穎士風要把陳編讐亥豕

未容高論讓丁鴻年華芳草如袍綠位置金蓮列炬紅

珍重駒光爭努力姓名畱取碧紗籠

停驂此地忽經年猶記觀風得士賢講院多文容我校

官齋有榻為誰懸課兒夏楚收威後畱客春缸寄興先

儘好聯吟偏話別江雲愁對早秋天

畱別劉生筠卿

名湘簡梅州廩生去冬觀風取列首名

校書祕閣溯家傳人是程鄉最少年品重南金爭拭目
才高越石快隨肩收藏藥籠無雙士磨礪蘭臺第一仙
好趁歲華勤植學春風瞬占探花筵

贈平遠諸生馬生雨田卽以誌別

名文霖觀風取列二名

名場跌宕酒吟毫料識研窮興最豪人是白眉眞杞梓
我方青眼及蓬蒿敢言入坐如風暖只爲論詩忘月高
經訓菑畲爭努力伫看勳業重詞曹

青櫺山房詩鈔卷一

十三

畱別吳生訪溪

名濂觀風取列儒士首名

才名早歲著程江摘藻爭誇健筆扛料識桂林枝得一
先占泮水土無雙論文幾度傾春甕敲句連番剔夜鈺
此日秋風應惜別芳情珍重折蘭茝

孟秋四日自梅州晉省林星舫孝廉以詩畫贈行

賦此答之

名漢香考充國子監學錄

一自賢書少歲誇才名藉甚著京華早登槐市談經席
爭說梅州問禮家畫稿神傳新粉本吟毫豔摘古奇葩
蘭臺翰墨蓬山筆指日長安好看花

早秋自梅州晉省惠陽舟次書懷

飛鴻無意去畱忙回首程江景未忘問政尙餘心耿耿
懷人不覺感茫茫重山曉發官書促時奉觀察諭解巴章案犯錄大府停案待奏行
程甚急一棹秋移夢境涼贏得梅州諸父老新詩投我滿行囊
臨行州人士多以詩送別

惠陽舟次寄懷同年秦美人學博

別來每感歲華頻音問雖疏結契親聽鼓我仍儕俗吏
著書君獨占吟身誦絃聲裏澆花課桃李陰中擁座春
遙識衙齋風雨夕秋燈應念嶺南人

青櫺山房詩鈔卷一

十三

之香山關開汛驗視翼牆工程翼日與顧衛沘司

馬常醴泉游戎同望澳門

茫茫嶺嶠認南灣橫互沙隄指顧閒渡海無波通絕域
防夷有界勝重關地誇雄鎮尊三島官設專城控百蠻
更向青洲一瞻眺晚來煙霧滿前山

由香山至東莞驗視城垣事竣將返省門奉大府

檄

正返羊城棹重逢一檄催艱難營下吏奔走屬才驕
使探春末時正小春征衣寄遠纔驅吾素分行矣莫徘徊

東莞奉檄復往龍川和平查訪客商越度漏稅事

件舟中賦此志感

一棹循州兩邑程連朝稽察重商征曉行人怯山風冷

晚渡舟爭浦月明滿路茶花殘靄淨山上白茶幾株楓

葉小春晴肩輿度嶺纔三月七月望自梅州又臥孤篷

聽艫聲

船窗兀坐思無聊貪看山光野趣饒耳有沈疴親藥竈

春閒耳鳴尚未痊可心將閒著寄詩瓢一官落拓匏匏繫往事悲

歌酒未消暫語妻孥安旅食鄉關此地路迢迢省屬因

青樞山房詩鈔卷一

十四

土不宜屢有
歸思故云

宿東水

此境屬和平村墟小集成淺灘山下岸仄嶺水閒程香

稻千塍壓晚稻芳樽一宿傾代庖有地主道里數分明

是夕與代理和平萬郡倅同考
邑志輿地圖查核客商行路

赴從陽任舟中卽事

纔脫征衫著敝裘簿書馳驟促官郵余自龍和二邑差

彈丸恰合羅才任斗粟難教戚黨周小試割雞庖代事

未除害馬牧民憂此行漫說敷施易恐有茅檐望莫酬

片帆遙指古山城問訊民居瘠土成穫稻經秋傳歲稔
趁墟淡日盼朝晴市荒莫辦魚蝦饌地僻應無雀鼠爭
暫挈妻孥粗飯共家風儉樸本儒生

從化道中有懷課子

年來久曠遺經課差喜吾兒得失知槐兒在家課業應

售寄閱近作知余攜次三兩小嶺嶠蹉跎攜幼子在官齋課學

督責仗名師護持新竹凌霄勢栽植良苗待雨時擬把

功夫親檢點公餘好伴讀書帷

從陽舟中偶成

青樞山房詩鈔卷一

十五

一篙撐不住悶坐上灘船嶺樹小於薺人家淡有煙關

心詢井里入眼話山川默數公家事孤燈夜未眠

正月三日爲余四十九初度之辰官齋無事集諸

友戚薄酌椒觴交慶歲首我愚高別駕贈詩一

律依韻和之

衙齋高拱鳳山峩從陽官署面春到庭前百物和人對

梅花清若此筵開椒酒樂如何卻憐滄俗鬻爭少況復

嘉賓賞會多只愧年華將半百居官空效太平歌

再和

醉後無妨側弁裁山城縱飲趁時和自嘆籌語參軍郝
且學高吟水部何數載光陰拋擲幾余重遊嶺南今又四載半生
襟抱激昂多今朝快值探春節莫負陽春一曲歌謂我愚

我愚復贈一詩三疊前韻答之

不矜帶博與冠義落拓襟意態和考訂工夫超馬鄭
栖遲蹤跡近羊何度人妙製金鍼祕我愚勤於課徒贈我清詞
玉屑多爭羨達夫詩興好暫拋案牘載賡歌

北池汪先生以余初度之辰惠贈長歌賦此奉答

青樓山房詩鈔卷一

十六

料理椒樽小集新座中嘉客有汪倫清詞霏屑珍於玉
朗抱開襟暖似春笑我年華書誤亥余生年己亥今宜年適值丁亥

丁亥嘉平二十七日因迎新任阿方伯泊舟沙口

新正三日爲余五十初度同好欲謀醵慶既力

辭之船窗獨坐賦此遣懷

兀坐篷窗裏旋驚歲序新相看今日客猶是隔年人馬
齒徒加長鶯遷莫問春自嗤炎嶠吏位置半閒身
奔走年來慣關心是送迎客方懷舊雨天未放新晴旦

寒雨連綿花滯春風信林喧凍雀聲近數日天氣極冷南來歌召伯
鄭重探行旌

今夜辛盤會衙齋定寂寥笑談惟僕從讌飲少賓僚嶺
樹添愁易鄉雲入望遙料知兒女輩稱慶說明朝
漫作稱觴集民生感不禁徒因千祿策莫補采蘭吟匏
繫頻年跡琴尋何處音扁舟沙口泊振觸故園心
自別糟糠侶離居又一年卻緣兒女計未共室家聯病
豈沈疴是技家書知內子目疾未痊功需良藥先所期調護力婚嫁
賴成全

青樓山房詩鈔卷一

十七

有子鄉關住貽經課若何音書勤問訊歲月怕蹉跎自
笑囊金罄惟教硯鐵磨半生期望意玉樹長交柯
回首看花地春風幾度忙泥鴻尋落巢燕感茫茫舊
恨囊中穎新愁鬢上霜補牢如有術言豈漆園忘